



05497

高季迪先生大全集卷之十一

五言律詩

送吳縣令遷松陵

山縣彈琴罷江城露冕初夏霖湖更開朝日市長虛
柳下催耕鼓桑間問俗車秋風莫思去客館有鱸魚
寄沈校理

風雨清明後春寒未袂衣閉門聽鳥盡入寺看花稀
獨酌愁難去相思夢欲飛艱難宜數見何事却長違

贈呂醫

藥院閉閒朝煙生積券燒求真遊嶽遍訪病出城遙
收穀寧煩僕尋苓或遇樵世方多內熱一七儻能消

次韻陳雷公見貽湖上行屯之作

湖陰巡壘罷緩服上仙舟景好看宜晚詩清賦爲秋
葉應隨鳥散山欲趁波流亦有東遊興空憐未得酬
雨後飲西園偶然亭

晚酌櫻桃下歡來不奈春那知醉後客猶是亂中人
雨霽飄還細花寒破未勻江臯舊遊處回首莫沾巾
鄰家桃花

春色東家出相窺似有心曲垣遮自短別院閑還深



影動疑人折香搖妒蝶尋好風時解意吹片拂羅襟
和王校理夜坐

池暝花如霧蒼蒼月照開梁空雙燕睡簾暗一螢來
兵散誰家笛人違此夜杯如何對清景愁思却相催
荅陳校書客懷

同患君尤甚時難覺意真愁邊長夜雨夢裏少年春
遊遠荒家業交疎困露塵一杯歌短調誰聽不沾巾
酬余左司

門巷接垂楊同鄰忘異鄉兒親欣見熟僕立厭言長
讀借風牀簡炊分雨碓梁亂來成久別能不爲情傷
大合集卷十三
二

宿道王蘭若

借榻到僧扉雖安未是歸暝禽愁雪意夜篠助風威
燈盡思燃帶余寒起覆衣不知孤棹去明夕更何依
與詩客七人會飲余司馬園亭

居皆在北郭

情與酒兼和園亭駐晚珂家同榆社近人比竹林多
短景催長宴醒吟雜醉歌亂離歡易失無厭數相過
登西澗小閣

層檻構雲牢清寒灑客袍石稜添澗險閣勢借峰高
風竹驚棲鳥霜藤縋飲猿欲題因境勝不致易揮毫
江上荅徐卿見贈

煙樹近松陵扁舟晚獨乘江黃連渚霧野白滿田冰
往事愁人問虛名畏客稱無才任蕭散敢望鶴書徵
除夕客中與家兄守歲

雨雪遠村中猿鳴旅館空守爐銷夜漏停燭待春風
有根能催老無文解送窮却憐今夕酒還得弟兄同
南溪晚歸

流水出雲根遙通古寺門山深僧少俗人靜市如村
馬渡知長淺魚行見不渾多情溪上月歸路照黃昏
丁孝廉惠冠巾

知試山人服冠中遠寄重佳名因子夏舊製學林宗
裏映秋吟鬢欹宜晚醉容朝簷今已解期上華陽峰
西園閒興

看到竹過鄰園林獨卧身鳥聲閒似野人意倦如春
殘雨驚池樹斜陽照隙塵如何堂上客不及燕來頻

其二

當路闕追攀端居自掩關聽鐘知近寺看畫憶登山
曉櫛風林下宵吟雨閣間天應憐我懶獨與少年閒

送謝恭

涼風起江海萬樹盡秋聲搖落豈堪別躊躇空復情
帆過京口渡砧響石頭城爲客歸宜早高堂白髮生

步至東臯

斜日半川明幽人每獨行愁懷逢暮慘詩意入秋清
鳥啄枯楊碎蟲懸落葉輕如何得歸後猶似客中情

郊野雜賦

江水含西東鄰家是釣翁路痕深草沒井脉暗潮通
籬隔蔬邊雨門開竹下風不因時賣畚何事入城中

其二

此鄉堪避地亂後戶翻增俗美嫌欺客年豐愛施僧
帶星耕處輒照雪紡時燈且作求田計元龍豈我能

其三

幽事向誰誇孤吟對晚沙浣衣江動月繫艇岸垂花
行蟻如知路歸鳧自識家一尊茅屋底隨意蒼春華

其四

春泥桑下路孤策自扶行身賤知農事心閒見物情
魚鳴風欲起牛飯月初生漸喜無人識何煩易姓名

其五

移家到渚濱沙鳥便相親地僻偏容懶村荒却稱貧
犬隨春盃女雞喚曉耕人願得無愁事閒眼老此身

其六

紛紛謝人役寂寂戀吾居細雨春雪後斜陽社飲餘

岸花飛趁蝶池葉墮驚魚好了公家事休令吏到廬
其七

路迂橋斷處門靜犢眠時孤墅藏羣柳諸田灌一陂
僮閒春作少婦懶午炊遲誰道花源好還令太守知
其八

虛閣近鳴湍應宜把一竿雨傷春麥爛風折晚蒲乾
抱甕臨江汲攜書入寺看自慚何獨幸世難此偷安
其九

亂渚交交白平蕪漫漫青賣薪沙店遠祈穀水祠靈
密雨侵葭重微風過網腥江邊多酒伴春去不曾醒

其十

入夜潮侵戶經秋雨壞垣里人淳少訟田父醉多言
稻蟹燈前聚莎蟲機下喧自應耽野趣不是戀鄉園

其十一

欲沽嗟市遠煙火隔江波客到寒齋少人歸晚渡多
汗書燈燼落驚枕櫓聲過豈敢愁荒寂時危免負戈

其十二

野色迴蒼蒼開門葉滿塘僧來雙屐雨漁卧一船霜
靜裏修香傳閒中錄酒方平生當世意到此坐成忘

其十三

紅樹南江近青山北郭遙江清目渺渺林冷髮蕭蕭
食鱸知晨釣聽歌識暮樵尋常送歸客不過水西橋
其十四

何處可徘徊
林間共水隈
夜歸家犬識
春睡野禽催
有地唯栽藥
無村不見梅
興來慙獨飲
時喚老農陪
其十五

狂多愛出遊
日日問江頭
小草皆春意
遙山自晚愁
酒中時有得
物外復何求
不詠騷人調
薜蘿任滿洲
其十六

居似臨邛宅
耕非鄠杜田
已償輸稅米
未覓賣文錢
把卷憐長日
看花愧少年
翛然閉門處
楊柳桔槔邊
采香逕

晨妝出采芳
零露溼紅裳
種徙山中品
熏傳海外方
抱筐歸蕙逕
焚鼎薦蘭堂
未足娛君寢
西施體自香

響屧廊

廊虛應屧鳴
響細識腰輕
誰道吳強國
唯銷舉足傾
苔間滅古跡
月下歇餘聲
此夕人空聽
山僧曳履行

臨頓里

聞說橋東地
高人舊隱居
養生應有道
覓舉絕無書
愛救粘絲蝶
嗔驚出水魚
時尋戴顓宅
自駕短轅車

其二

應愛山齋好秋風不捲茅蠶渠侵螿穴移樹帶禽巢
人世眞浮梗吾生豈繫匏不逢皮從事誰結歲寒交

其三

載酒攜山榼安琴製石牀
鳥眠皆傍母蜂去首從王
穀雨收茶早梅天曬藥忙不扶靈壽杖筋力老能強

其四

自少圖名意誰言世不知
僧求開寺記客送買山資
細雨魚生子斜陽燕哺兒平生無事迫心苦爲尋詩

其五

斬伐憑樵斧經綸在釣車
薄雲還露月小雨不妨花
酒債應多處詩名自一家
虛煩時主召懶脫故衣麻

其六

長物元無有何勞犬護扉
借看高士傳學製道人衣
窗破容螢入船空載鶴歸
定緣幽事繞不是宦情微

其七

澹泊心情在蕭疎鬢影殘
引泉規作沼畱筍待成竿
自洗沾泥屐誰收掛舜冠
毛公新有約月夜禮天壇

其八

沐罷便輕幘消搖詠晚天
清風蘇病鶴驟雨集鳴蟬

舊史堆縑素新經錄洞玄誰知城郭裏別自有林泉
其九

汨汨泉通圃蕭蕭柳映門折花搖樹影踏藕損蓮根
鷺鴨呼歸艦新蠶試浴盆屋前高石在知是鬱林孫
其十

茶租催未得菊餌服還能行古時人笑文工造化憎
貧畱漁艇載老謝一書徵誰識先生樂悠然卧枕肱
春申君廟

封吳開巨壤相楚服強鄰各重三公子謀疎一婦人
畫幃畱古像珠履絕遺塵簫鼓時迎祭還憐舊邑民

大全集卷十三

八

吳女墳

魚燈照艷魄夜冷珠衣薄白玉土中埋紅蘭霜後落
不乘臺上鳳空舞橋邊鶴韓重未歸來泉宮秋寂寞

真孃墓

金釵葬小墳楊柳寺前村已斷花間信空歸月下魂
山鶯畱曲韻草露帶啼痕車馬逢寒食還來酹酒樽

鱸鄉亭

獨上鱸鄉亭秋風南浦生載送黃花句遣思張步兵
天空白水遠日墮赤楓明我亦東歸客一壺宜醉傾

堯峰院

堯帝何年到名猶在此峰巖畱千尺井寺廢兩時鐘
僧出因尋菌人來爲看松白雲深洞裏聞有聽經龍
慧聚寺次張祐韻

煙斂城初出潮來野欲吞危樵綠磴角倦袖憩松根
剝表藏林寺鐘聞隔水村畫龍飛去久空掩殿堂門
石屋

雙崖立幽關一洞開深宇青嶂近爲鄰白雲間作主
不受杜陵風可避河朔暑華棟幾回新渠渠獨千古
贈竹里子

弭楫望迷林閒爲淇澳吟君家不可見但聽煙中禽

大全集卷十三

九

日落浦雲遠雨餘江水深非同抱清節歲晏後誰尋
送金判官之吳江

送客常苦愁送君愁最劇爲江上縣近我鄉中宅
霜晴橘熟秋水冷楓飄夕難逐去帆東京華坐微役

漁

泛泛滄波裏全家寄一船曾來屈澤畔或到杏壇邊
蓑帶春江雨柳鳴晚浦煙得魚尋水店換酒不論錢

樵

慣識山中路崎嶇每獨尋穿雲衝過虎伐樹起棲禽
斧礪溪邊石衣懸谷口林逢仙休看奕甲子易駸駸

耕

注臯聞布谷荷耜出柴門春暖烏健快朝晴綠樹繁
深耕行別隴侍盃望前村自得龐公計遺安與子孫
牧

一笛去茫茫平郊綠草長但知牛背穩應笑馬蹄忙
度隴衝朝雨歸村帶夕陽相逢休挾策回首恐忘羊
夜起觀月

一春夜多雨今宵初月明窗間幽夢覺起憶故園行
露下花微委煙中鳥忽鳴誰同賞清景惆悵倚前楹

贈劉醫師

大全集卷十三

十

君有抱朴意高齋長晏如壺中仙姥酒案上神農書
蒸米曉煙裏斲苓春雨餘起疾多傳妙慚予才自疎
舟中早行

隆隆津鼓動江火畱餘閃人家未起耕近水寒扉掩
船開鳧鴨散樹吐煙霏斂東郭去方遙青山見孤點
春日懷諸親舊

楊柳燕差差鄰家換火時春寒添客思夜雨滅花枝
涉世悠悠夢懷人的的思出遊無舊侶空館獨題詩
江上見逃民家

清時無虐政何事竟拋家鄰叟收饑火途人折好花

林空煙不起，門掩日將斜。四海今安在，歸來早種麻。
晚晴東臯步眺

江明片雨收，樹暗一村幽。籬落疎麻長，田畦曲水流。
禽聲初變夏，麥氣欲成秋。閒步看時物，今朝散旅憂。
賦得戟門送陳博士

聖廟儼工宮，重關盛衛同。儒冠趨內外，武仗列西東。
乍啓鳴鐘始，將扃徹俎終。莫言牆九仞，還有此能通。
櫻桃

密綠映圓紅，枝頭的的同熟迎。梅實雨落，值柳花風。
美女名偏稱，流鶯啄未空。憶曾春薦後，捧賜出深宮。

金進士葵軒

大全集卷十三

十一

幽園夏雨歇，葵綠乍翻風。獨向羣芳後，閒依萱草叢。
滋榮午簞側，流馥夜窗中。應有傾陽意，將軍心正同。

次倪雲林韻

雲林已白頭，猶有晉風流。愛寫滄州趣，閒來玄館遊。
茶煙秋淡淡，竹雨暮修修。欲向南池水，長流清翰舟。
登南樓看雨有懷

清曉看江雨，獨登江上樓。人煙與草樹，蕭瑟滿城秋。
砧響寒稍急，鴻聲哀更流。故人隔楚塞，西望忽成愁。

晚霞獨酌南樓

俠客豈遷客故鄉非異鄉鱸肥蓴菜紫鴈到柳條黃
湖濶已秋雨樓高猶夕陽登臨何必賦把酒據胡牀
耕

春郊起東作耒耜出柴荆柳下烏犍健桑間布谷鳴
家人供遠餉刺史勸深耕已卜豐年候朝來好雨晴
追挽恭孝先生二首

閩洛遺風在河汾舊業傳書攻藏簡後易究出圖先
曉禁辭持橐寒廳繼坐氈臨危誰復似身與勅俱全
其二

北闕書空上東川教自陳可當衰亂日復喪老成人
堂靜懸魚絕墳荒下馬頻傳家欣有子執筆際昌辰
魚

浮生何處好只在水雲鄉柳起鳴秋月綸收向夕陽
箬篷幽夢熟銅斗醉歌長不是煙波樂那能與世忘
題宋迪晚煙歸舍圖

落日下嵐嶺行人逢已稀隔煙望田舍映水掩荆扉
鳥亂夕林暗草多秋逕微家人應候我賣畚郭中歸
贈東菴道者

雙樹夾成戶一溪流繞家掃林畱遊筍汲水帶浮花
經勸里人讀藥從仙客賒已無喧寂念默坐對鳴鴉

五言排律

月夜遊太湖

欲尋林屋隱，還過洞庭遊。
遠水初涵夜，長天盡作秋。
湖如青草闊，月似白蓮浮。
萬壑風傳笛，三更斗挂舟。
葉應隨鳥散，山欲趁波流。
浩蕩吾何適，鷗夷不可求。

詠夏冰

寒收凝凍井，晚薦納涼宮。
抱潔存天質，銷炎奪化工。
氣蒸金盃潤，色映玉盤空。
弱藻含猶在，纖塵隔未通。
非山寧可倚，是水復當融。
照夜何須月，驚秋詎待風。
製屏應不穩，作珮定難攻。
客貌清誰竝，仙肌瑩自同。

大全集卷十三

十三

宜涵筠簟素，愁逼桂爐紅。
願解行人渴，分貽道路中。

題黃鶴山人畫

何處畫相同，湘南與峽東。
江來落日外，山出杪秋中。
綠桂騷人宅，青蓮釋子宮。
鐘鳴樵谷暗，船散市橋空。
風樹驚猿落，煙蕪去鳥通。
平生遊楚興，對此轉無窮。

賦得履送行上人

穩稱遊方脚，新編楚岸蒲。
滑欺峰頂石，危怯世間途。
輕曳愁妨蟻，高飛笑化鳧。
上堂聲每衆，度嶺影還孤。
著處朝行道，拋時夜結趺。
空山欲相訪，落葉去踪無。

聞蛙

何處多啼蛤荒園暑潦天股跳泥活活形蔽草芊芊
野遠呼相應窪深樂自專斜陽魚罩外細雨客燈前
莫問官私地聊占水早年晴思蒲葉渚涼憶稻花田
高士聽空愛遷人食未便灑灰誰解去安我夜窗眠
聖壽節早朝

天啓聖圖昌流虹叶夢祥飛龍起江左戰馬放山陽
御桺垂閭闔仙桃熟建章遠人陳貢篚近侍浥爐香
金鏡千秋錄瑤池萬歲觴小臣歌拜手堯日正舒長
洪武二年十月甘露降後庭柏樹上出示侍
從臣啓獲預觀嘉瑞因賦詩頌之

大全集卷十三

十四

和氣融爲液中宵墜碧天光溥高柏上瑞發內庭前
見日朝還泣經風晚盡堅芳穠蜂蜜滑的皜蚌珠圓
厚澤歌難喻沉疴飲易痊願言同聖德濡沃遍周埏
冬至車駕南郊

駕動百靈訶齋宮午夜過禮行因日至樂奏合雲和
配祖崇周典祈年陋漢歌壁陳孤月滿燎發衆星羅
秩秩威儀盛穰穰福祉多慶成應預喜四海沐恩波

禁中雪

君王元尚儉臺殿忽瓊瑤環素凝宮沼飛花綴苑條
坊雞驚曙早仗馬喜寒驕金扇開時看丹墀掃後朝

台司呈賀表樂部奏仙謠須信陽光近都先別處消
封建親王賜百官宴

漢運初興日周藩竝建年辨方分社土當陞列宮縣
上相傳金冊中官闢綺筵誓期山作礪恩瀉酒如川
仙季千枝茂天潢幾派連百僚咸醉喜拜舞赤墀前

送安南使者杜舜卿還國應制

安南初入貢朝廷遣翰林學士張以寧齋詔
冊其主爲王及境而薨其世子遣舜卿來告
哀且請命及還命朝臣賦詩送之

南粵知文化來庭喜最先地書通漢日貢紀入周年

大全集卷十三

十五

號冊纔臨境容衣忽掩泉使蒙天語言嗣許國封傳
曉闕晴飛鳳炎溪晚墮鷺往來時物異存歿聖恩全
詔去開蠻霧帆歸望海天但修忠順節世業自綿延

送高麗賀正旦使張子溫還國

丹鳳雲中闕玄菟海外城新陽初獻歲遠使盡朝京
卉服充王貢珠旒仰聖明花飛辭上國日出指歸程
車餞都亭曉帆開島嶼晴莫辭頻入賀寶曆萬年盈

送鮑修撰出官關中

辭朝西入陝車發動征塵小麥行時熟啼鶯別處頻
關前周故尹灞上漢遺民直院青綾舊臨川赤組新

山連樂遊苑樹繞富平津君去方年少還能論過秦
送恩公還江心寺

上人居寶地勝處似金山樓閣開天界波濤隔世寰
鐘聞孤嶼外利出亂雲間螺女晨修饌龍君夜叩關
遊方來暫會辭闕去難攀舊業菱生沼離城柳暎灣
衣霑爐氣出船載磬聲還施具來江估持經化鳥蠻
諸緣除未早半偈悟猶艱安得如康樂登臨此共閒
喜揚策陽赴召至京過宿寓館

忽作天涯會渾銷歲暮哀高城三鼓動虛館一尊開
鄰馬嘶空極江鴻過廢臺飲餘寒色退談絕雨聲來

大正集卷十三

二六

步患功名倦忘歸故舊猜闕前新應召須讓子雲才

戲嬰圖

芍藥風欄側梧桐露井傍嬌嬰爭晚戲少婦鬪春妝
共詫珠生蚌還憐玉產岡半披文錦祿斜佩紫羅囊
額髮葳蕤短胸胞細膩光庭前王氏子陌上衛家郎
弱草身眠軟芳英手弄香隨人貪作劇避伴學迷藏
莫撲花蝴蝶宜爲蠟鳳凰塗添雲母粉浴試水沉湯
麟送徐卿宅蘭生謝傅堂愛均看總好年並比誰長
驥種雖難匹鷓雛已作行欣君得此画真是夢熊祥

翫花池

桃枝兼杏枝春色繞宮池正愛紅繁處還憐綠淨時
花香泛幽吐媚影照清漪垂條看妓折墮萼見魚吹
盃涵明月瀉舟逐彩霞移水流花落盡君王醉不知

送高麗貢使還國

鳳閣層霄上菟城積水東大君方咨運絕域盡朝宗
錫命分青土趨班列紫宮船歸瞻日出帆掛候西風
雨露何沾渥華夷已混同聖心非悅貢惟念遠人忠

韓蘄王墓

宋室中興日將軍武略優功宜超賈鄧名恥竝張劉
白馬空南渡黃龍竟北游誓擒諸部種還報兩宮仇

朝使頒金冊邊人識錦囊躍戈衝野陣橫棹截江流
殘虜亡魂走中原指掌收未終藩閫寄已惑廟堂謀
坐散熊羆士廿臣夫豕酋和戎詞易屈復漢志難酬
闕管吳山曉陵荒堊樹秋廉頗歸未老郭令罷誰留
折檻言徒切藏弓勢可憂俄看星隕壘永使陸沉州
感慨思前代淒涼弔古丘劔花埋虎氣碑蘚剝螭頭
石騎嘶風雨山僧護楨榭鼓旗何寂寂簡冊謾悠悠
父老悲猶在英雄事已休棲霞嶺前墓聞說更堪愁

石井泉

清源生石脉冷逼煮茶亭淨映銀牀色明開玉鑑形

分秋歸客鼎汲月貯僧瓶樹影沉泓碧苔文漬癖清
熱中嘗可滌醉後漱堪醒品第宜居首誰修舊水經

焚香

艾菝山中品都夷海外芬龍洲傳舊採燕室試初焚
奩印灰縈字爐呈玉鏤文乍飄猶掩冉將斷更氤氳
薄散春江霧輕飛曉峽雲銷遲憑宿火度遠託微薰
著物元無跡游空忽有紋天絲垂裊裊池浪動云云
異馥來干和祥霏却衆輦嵐光風卷碎花氣日蒸醺
燈地宵同歇茶煙午共紛褰帷嫌放早引七記添勤
梧影吟成見鳩聲夢覺聞方傳媚寢法靈著辟邪勳

水全集卷十三

十六

小閣清秋雨低簾薄晚睡情慙韓椽染恩記魏王分
宴客曹鷓侶招仙降鶴羣曾攜朝罷袖尚浥舞時裙
囊稱縫羅佩篋宜覆錦熏畫堂空搗桂素屏漫塗芸
本欲參童子何須學令君忘言深坐處端此謝塵氛

詠夢

的的緣愁得濛濛與醉和輕隨雲浩蕩暗越嶺嵯峨
夜店嗟偏短春閨想最多關山歸識路江渚去涉波
梁落中宵月樓橫欲曙河隔簾休警鶻近燭任飛蛾
遊遠寧煩載穿深豈畏訶寒驚瑤作障暖戀錦成窩
蝴蝶誰家信鴛鴦別浦歌靜嫌風動竹闌怯雨鳴荷

寂歷窗扃紙低遲帳捲羅知情唯枕共送恨忽鍾過
縞袂香猶在朱紵字不磨記來還彷彿尋去已蹉跎
宿燼芬餘麝殘妝暈淺螺憂歡情總幻離合事皆訛
池上吟芳草庭前覓舊柯旣因思是種復念睡爲魔
易斷俄如此難憑竟若何陽臺莫重問千古笑巫娥

荅胡博士雷別二十韻

世緒名臣後聲華俊士前棘場曾中的芹水舊鳴絃
遠道秋風褐空齋夜雨氈倦遊驚齒暮多難喜身全
孤客愁王粲諸生老鄭玄未應心戚戚還是腹便便
壯曲無歸業成都有一錢我方辭闕下君尚隱江邊

大合集卷十三

九

大話燈催剪頻過榻解懸擇鄰欣得地結友愧忘年
牧逕依門轉漁梁近渡連舊盟尋白鳥餘俸買烏犍
流水空塘樹疎林破屋煙詎憂窮作祟但欲醉成仙
政爾交歡密俄然別恨牽湖山入苑路雞犬載家船
離索方堪歎分攜益可憐殊鄉難託主薄俗易輕賢
寒浦通潮處春城罷雪天梅花未宜折送與詩篇

高季迪先生大全集卷之十四

聯句

舞劍聯句

與會稽張憲夜飲觀銅臺季壯士舞劍而作

晚陌息鳴鑣

憲

秋城起巖柝登堂欣有會

啓

顧座歎

無樂豪賓奉觴壽

憲

壯士掉箭作韻生臆拂鐔

啓

文

綴星輝鏗拭土色纔動

憲

映火光轉燦寒瀉走澗泉

啓

明懸酒簷澤徒誇刀瑩膏

憲

漫詫七淬藥腥疑人

血乾

啓

威攝鬼踪鏢雄聞莊子說

憲

醉想王郎斫聯

大全集卷十四

翻倏鴻騫

啓

奮迅仍雀躍來如龍出淵

憲

去若蛇赴

壑疾驚雷破山

啓

怒訶風捲漠初馳帆縱張

憲

忽注

弩弛曠陰陽變開闢

啓

潮汐隨進却高步赴節同

憲

奇形分狀各斜廻象翼蔽

啓

曲踊肯拏攫欸驚西方

帝

憲

凜怖東海若屋翻影紛綸

啓

地殷勢揮霍亂思

突騎奔

憲

低見饑隼掠旁分萬矢斷

啓

前拉千槍拓

出堪劫齊壇

憲

立可當蜀閣澤聞蛇嫗啼

啓

路遇猿

翁搏斬關豁然判

憲

擊柱鏗爾著陸疑濤涌牀

啓

宵

駭虹闌幕警棲已翻翻

憲

墜槁俄索索顛旭曾悟書

啓 俠軻記爭搏目花匪酒灑 憲 膚粟似裘薄忠義氣

盡張啓奸邪膽俱落不從玉珎計憲欲定銅臺約未
數大娘強啓終勝處女弱季路袖手欽憲斐旻汗顏
忤宸視誰敢當啓不成我慙學勇夫怒生癭憲恐僕
戰戎瘡功收刺虎奇啓志感聞雞惡暫停月徘徊憲
旣罷天寂寞崆峒詎必倚啓氣稜行可廓馘妖正思
今憲斷佞猶暮昨會合固有期啓死生良欲託寧憂
武庫災憲但俟凶門鑿慷慨勿悲歌啓淋漓且酣酌
憲

劍池聯句

與張憲金起王隅同賦

大全集卷十四

二

飛梁上當空憲

直鉞下插水兩樹交古陰啓

孤亭倒

清泚初至意已愜憲

再陟神亦靡氣銷淵龍藏起骨

朽山鬼死蒼崖出仙詩隅

全藏閔僧史伯圖渺何在

憲世事倏如此佳遊信難遭啓壯志良未已凭欄瞰

神州起

樹羽訝軍壘未觀煙塵清隅且耽林壑美臨

風揮一觥憲

憩石脫雙履鸞啄朱果殘啓蜂抱黃英

委琴咽斜陽蟬憲

棋戰欲雨蟻澗暑避松簷啓輕涼

透藤倚暝目思黑甜憲

潛心翫玄旨籟響破虛寂啓

香飄聞旖旎飯鐘隔煙來憲

樵笛呼舟起整轡戒僕

夫啓

揖鞭謝釋子履聲吠喧呵起騎影歸地埋餘戀

尚眷然開重來那復爾明發抗塵容何由繼芳趾

病柏聯句

與青城杜寅鄰郡徐貴遊白蓮寺見病柏而

作

犯開雖輪菌託根何坎壈寅死色見已深生意存猶

頗啓老柀焦半身餘葉禿偏髻貴恩謝漢陵春災非

陸渾火寅柯傾痺待扶節漏瘡思裏啓下窾封虬蟬

上穴綴螺贏貴風欺聲告哀雨冒汗憎顛寅蟄空虺

喜容攀脆猿愁墮啓將斲豈中梁欲剗詎宜舸貴蓋

瘁缺青蔥柀枯辭倚籬寅乏子烘爐焚無陰庇牀坐

大全集卷十四

三

啓靈盡啄鳥飢巢傾躓籬跛貴臞形慘若疋突腹腫

如果寅藤纏偶假妝薜剝每慙裸啓主惜覲匠顧蕉

窺避僧邏貴土瘠力易衰巖危勢難安寅殺懼苦霜

仍醫期甘露可啓成器未爲福不材反逃禍貴依林

尚支撐亞石猶磊砢寅闕歲失貞姿承陽愧纖朶啓

掠辜孔語稱名負杜吟播貴敢要秦樹封孰效禹梅

鎖寅蟠深漫欲踞架重寧堪荷啓氣同生固均數異

測誠巨貴膏乾燃不明屑墜掃還夥寅客憐弔賦悲

童棄培功惰啓終護竟煩誰今看幸遭我貴

風雨聯句

與會稽張憲在報恩佛寺遇風雨而作

旨風簸天興

憲

東雨翻海瀉魚鰕落半空

啓

蛟龍鬪

中野勢吞九河黃

憲

功潤千里緒怒疑決沙囊

啓

振

訝摧屋瓦橫行天兵駛

憲

大笑電母哆乾坤發生多

啓

道路喝死寡潦漲濤涌川

憲

早去煙滅冶谷號竟

誰噓

啓

木撼不自把神靈真恍惚

憲

造化非苟且初

占月離畢

啓

又駭泗沒社必變其聖乎

憲

弗迷唯舜

也陰岑氣如炊

啓

高葉聲若打陽烏韜不見

憲

乾鵲

噤皆啞重翳晦復明

啓

餘點歇還灑雖悅灌園人

憲

應愁渡江者侍王笑楚賦啓及我慙周雅避思泰山

大全集卷十四

四

顛

憲

戰憶昆陽下雄夫七易失

啓

吝士蓋難假既霑

想大田

憲

廣庇思巨厦枯槁向晚停

啓

紈扇未秋捨

亂號官私蛙

憲

莫辨來去馬卧驚浪喧耳

啓

歸恐泥

沒蹊勿憂卷茅屋

憲

且喜聽蘭若民期歲有登啓國

荷天錫蝦浦澤宜載歌

憲

新篇試姑寫

啓

虎丘聯句

與潯陽張羽太原王行剡郡徐貴遊虎阜用

薛閒顏魯公韻作

山遊期屢阻風雨過今春羽偶遂林泉賞仍同里開

親行樹重迷卓午花盡謝芳辰啓事往非前代僧逢

是故人貴金精銷虎氣寶藏衛龍神羽妖魄憐埋玉
仙詩看勒珉行年登廚有供村遠寺無鄰啓池古寒
泉定林暄夏果新貴井名猶記羽樓姓尚題陳羽步
策方循澗廻繞已待津行綠雖喧寂異妄本去來均
啓摩彝追高韻應慙繼後塵

蓮房聯句

與金華宋璪張孟兼作

露冷鏡湖秋璪波涼練塘曉盤翻綠雲稠兼錦破朱
霞少新苞顛微綻啓餘葩莖尚嫋瘦繭綴寒蠶璪尖
喙啄青鳥下惟玉龍眠兼中有瓊絲裊擎重柄欲折

大金集卷十四

五

啓含深晴尚宵璪孤懸類覆杯兼雙立疑擢表啓初

成欣雨滋兼漸老怯風掉啓多子同根榮啓獨婦專

房悄璪妝卸失娉婷啓歌來逢窈窕璪剖心效諫忠

兼竝頭呈瑞兆啓褭蹄密竅剌璪魚目微光皎啓珠

珥落槃多啓璪軫貯囊小璪空實外莫辨甘苦中自

了剝殘星滿地采盡香餘沼啓雕筵釘戢戢玉蟲攢

擾擾送看出小艇薦喜對清醪兼新嘗勝江芡遠覓

迷水蓼塞芳想夏初啓感物傷秋杪聊茲發吳詠啓

一覽煙水渺璪

六言律詩

夫差女瓊姬墓

夢別芙蓉殿頭墮釵零落誰收土昏清鏡忘曉月冷
珠襦恨秋燼鹿昔來廢苑牛羊今上荒丘香魂若怨
亡國莫與西施共遊

江村樂

荷浦張弓射鴨柳塘持燭又魚天隨子宅同里陶朱
公祠近居

其二

一犬行隨餉榼羣蛾飛繞綠車江邊女去摘艾城裏
人來賣茶

其三

罾掛漁郎舍外船維酒媪橋邊煙波五湖朝渡風雨
孤村晝眠

其四

日斜深塢牛卧潮落平沙蟹行秋社未開綠醞夜炊
初碓紅粳

甫里即事

長橋短橋楊柳前浦後浦荷花人看旗出酒市鷗送
船歸釣家風波欲起不起煙日將斜未斜絕勝茗中
剡曲金叢玉鱸堪誇

讀道旁舊冢碣上題曰宋黃澹翁先生之墓
古路斜陽廢城斷碑荒草殘塋莫嗔童豎樵牧不識
先生姓名

楊氏山莊

斜陽流水幾里啼鳥空林一家客去詩題柿葉僧來
供煮藤花

陶秘書廣陵送別圖

暮雨潮生瓜步春山樹繞蕪城惆悵離舟欲發江南
煙寺鐘聲

七言律詩

大全集卷十四

七

大駕親祀方丘選射齋宮奉次御製韻

奠鉞方壇曉祝釐躬竿風動從靈祗獻符多士歌昌
運扈蹕諸蕃覲盛儀郊射貫侯初復古汾祠獲鼎未
云奇山川效靜年多穀神荅皇心定有期

奉迎車駕享大廟還宮

鳴蹕聲中曉仗迴錦裝馴象踏紅埃半空雲影看旗
動滿道天香識駕來漢酎祭餘清廟閉舜衣垂處紫
宮開禮成海內人皆慶獻頌應慚自乏才

晚登南岡望都邑宮闕

落日登高望帝畿龍幡山下見龍飛雲霄雙闕開黃

道煙樹三宮接翠微沙苑馬閒秋獵罷天街車鬪晚
朝歸明朝欲獻昇平頌還逐仙班入瑣闈

其二

秦金不厭氣佳哉紫蓋黃旗此日開殘雪已銷鴉鵲
觀浮雲不隱鳳凰臺山如洛下層層出江自巴中渺
渺來六代衣冠總成土幸逢昌運莫興哀

奉天殿進元史

詔預編摩辱主知布衣亦得拜龍輝書成一代存殷
鑒朝列千官備漢儀漏盡秋城催仗早燭光曉殿卷
簾遲時清機務應多暇閣下從容幸一披

大全集卷十四

八

九日陪諸閣老食賜糕次謝授經韻

叨陪講席按詞曹曉禁霜花點素袍院貯圖書西掖
靜雲連宮殿北山高故園莫憶黃花酒內府初嘗赤
棗糕最愛鳳毛今復見便令池上一揮毫

送沈左司從汪參政分省陝西汪由御史中

丞出

重臣分陝去臺端賓從威儀盡漢官四塞河山歸版
籍百年父老見衣冠函關月落聽雞度華岳雲開立
馬看知爾西行定回首如今江左是長安

吳僧日章講師赴召修蔣山普度佛事既罷

東歸送別

萬人擁座聽潮音。寶刹曾迂玉駕臨。佛法曉敷三藏秘。帝恩春及九原深。鐘山坐處花頻雨。練浦歸時樹欲陰。擬問楞伽嗟已別。楚江飛錫暮沉沉。

其二

故鄉未解識清容。却在金陵闕下逢。中禁曾分齋鉢飯。上方時叩講筵鐘。一帆細雨迢迢浦。半塔斜陽靄靄峰。相送師歸忽多感。飛雲亦戀舊依松。

清明呈館中諸公

新煙着柳禁垣斜。杏酪分香俗共誇。白下有山皆繞

天全真卷十四

九

郭。清明無客不思家。下侯墓上迷芳草。盧女門前暎落花。喜得故人同待詔。擬沽春酒醉京華。

金陵喜逢董卿解送還武昌

兵後匆匆記別離。兩年音問不相知。武昌樓下初來日。幙府門前忽見時。上國花開同醉少。大江潮落獨歸遲。莫嗟握手還分手。此會從前豈有期。

送易左司分省廣西

朝廷特念遠。岷深畫省分。官出桂林油。暮乍開。依漢節。卉衣時到貢蠻金。四時花發山多暖。半日嵐開市尚陰。虞帝祠前黃竹裏。相思莫聽鷓鴣吟。

送王檢校錡赴北平

半年同舍客京華，看遍龍河寺裏花。
纔進史書朝日下，便紆官綬去天涯。
平蕪遠塞秋驅騎，衰柳遺宮晚噪鴉。
莫道窮邊成久別，待君歸草玉堂麻。

京師秋興次謝太史韻

柳外秋風起，御河京華客子意。
如何伎同北郭知，應濫俸比東方愧。
已多梁寺鐘來殘，月落漢宮砧斷早。
鴻過不材幸得同，趨闕幾度珊瑚候曉珂。

送祠江瀆使者

源發岷峨萬里通，函香迢遞問齋宮。
神馳白馬靈光

大全集卷十四

十

近祝奉玄牲，禮秩宗驛下。
換船潮湧日，廟前沉舜水。
迴風重煩使者微，多福南國無疵黍。
稔豐

送葉判官赴高唐時使安南還

銅柱崖前使節過，責隨歸騎入京多。
一官暫遣陪成，增片語曾煩下趙陀。
曉拜賜衣辭絳闕，秋催征棹渡黃河。
政餘好賦登臨詠，聞說州人最善歌。

衍師見訪鍾山里第

風雨孤舟寄一僧，遠楫相覓到金陵。
青山愧逐塵中馬，白拂看麾座上蠅。
事去南朝猶有恨，夢歸北郭已無憑。
文章何用虛叨祿，只合從師問上乘。

寄題安慶城樓

層構初成百戰終，憑高應喜楚氛空。
山隨粉堞連雲起，江引清淮與海通。
遠客帆檣秋水外，殘兵鼓角夕陽中。
時清莫問英雄事，回首長煙滅去鴻。

送鄭都司赴大將軍行營

上公承詔出蓬萊，立馬風煙萬里開。
賜履已分無棧遠，舞戈還見有苗來。
牙前部曲多收績，帳下賓僚更倚才。
後夜軍門知子到，郎星應是近三台。

送朱謝二博士進賀冬至表赴京師聽宣諭

畢還吳

大全集卷十四

十一

驛騎雙馳捧祿章，都門逢舊喜洋洋。
小儒方幸瞻天近，遠使初來賀日長。
仗下丹墀晴雪盡，朝回紫陌曉塵香。
承宣歸去難畱駐，乞報平安到故鄉。

送丕上人還四明育王寺

解夏還尋舊寺樓，滿船黃葉過長溪。
袈裟影入秋山遠，舍利光懸夜塔低。
鸞識講時常繞聽，猿知定後不驚啼。
却慚擾擾城中客，覺路如今去尚迷。

送吳生赴汴省其父指揮

都亭槐雨淨朝埃，彩服逢秋試剪裁。
定遠未歸雙節在，孝廉初去一船開。
城依梁苑煙中閉，河繞隋堤樹

裏來家慶拜餘尋舊跡夕陽騎馬過繁臺

客舍夜坐

樓角聲殘鎖禁城燈花半落夜寒生啼鴉井上驚風散殘雪窗前助月明清世莫嗟人寂寞中年漸怯歲崢嶸酒杯詩卷吾家物客裏相親倍有情

送鄭山人聽宣諭後歸東陽

閭門傳詔山人拜清曉蓬萊望彩霞布褐朝天纔赴闕蒲帆帶雨又還家沈侯詠罷樓沉月婺女妝殘廟掩花無限朝廷仁恤意殷勤歸向老農誇

春來

客愁擬向春來減春到愁翻倍舊時走馬已無年少

樂聽鶯空有故園思日光晶晶濃熏草風力颺颺緩

墜絲辟歷溝南酒家路共誰來往問花枝

送賈文學以郡薦赴禮部試畢歸吳

匹馬都門候曉開吳公新薦賈生來郡中方待傳經業闕下先稱射策才寒食杏花江店雨春衣柳絮驛程埃慚予東掖叨陪講難把長干送別杯

休沐日期行公遊北山不果獨時齋中

休沐欣逢一日閒擬邀禪客共登山雨節未許尋蘿逕孤枕應須掩竹關歷歷遠峰塵土外蕭蕭深屋草

萊間安眠却勝清遊樂覺看斜陽燕子還

送內兄周誼還江上

憶奉綸音趣赴朝曾煩遠送過楓橋雲山方恨寂
暝阻雪夜俄來伴寂寥吳苑疎鐘沉晚樹楚江歸榜逐
寒潮情親海內如君少敢惜離魂為一銷

夜聞吳女誦經

雲窗月帳散花多閒讀金經夜若何嬌舌乍彈鶯學
語芳心已定井銷波尼師曾教青蓮偈女伴徒為白
苧歌聽處若迷空色相應須愁殺病維摩

送趙使君致仕歸別業

大合集卷十四

十三

久仕江湖白髮長今年得許乞身章吏收封印朝辭
鄉人賀懸車晚在鄉家篋已添新著稿官衫未歇舊
囊香南風別墅初歸處應坐有輿看種秧

遊南峰寺有支遁放鶴亭

每向人間望碧峰石門今得問幽踪路緣風磴冷冷
策寺隔煙蘿杳杳鐘窗下鳥來多瑩果亭前鶴去只
高松一龕願借依香火莫道詩人非戴顓

送鄰僧淡雲歸笠澤

仕來海上獨離羣雅稱身名是淡雲經院葉深秋講
散香臺鳥下午齋分坐間山偈曾同說別後鄰鐘不

共聞笠澤到時尋舊業菱池漠漠雨紛紛

次韻楊署令雨中卧疾

雙桐分蔭曉池清乍喜新晴覺病輕蛛曳林風吹欲
斷鷺經沙雨洗偏明吟多稍怯臨窗寫卧久渾忘出
市行不道春歸踰一月起聞歌鳥尚疑鶯

送呂秀才入道

學禮茅君便入山黃冠初著稱清顏杏園不羨龍頭
貴蓬島應思鶴背閒窗下棄檠辭婦去壇前受籙拜
師還白雲知勝青雲好揮手從今謝世間

送胡簿之陽朔

大全集卷十四

十四

幾年桂管去人稀白髮憐君獨遠違過海定尋廻估
舶出京纔脫舊儒衣祠羨荔子傳巫語縣閉榕陰放
吏歸亦欲移居嗟未得謾看鴻鵠向南飛

謁甫里祠

衣冠寂寞半塵絲想見江湖獨卧時遁跡虛煩明主
詔感懷猶賦散人詩釣魚船去雲迷浦鬪鴨闌空草
滿池芳藻一杯誰爲奠鼓聲只到水神祠

送恩禪師弟子勤歸開元寺

寺有一石佛
自海上浮至

山衲經寒補雜繒白雲高寺遍尋登法身已見浮來
佛宗旨曾傳化去僧歸過江城誰施飯定依舊院自

懸燈明朝應恨千峰阻欲問楞伽已不能

送何記室遊湖州

暮雨關城獨去遲少年心事劔相知故人當路慙貧
賤倦客逢秋惡別離疎桺一旗江上酒亂山孤棹道
中詩水嬉散後湖亭廢此去煩君弔牧之

江上寄丁校理昆季

望裏煙生是子家草堂應近鵲鷓沙江汀每恨無舟
渡野墅空憐有酒賒半雨暮成風外雪孤梅春動臘
中花相思尚隔前村遠獨倚柴門數去鴉

送顧軍杏歸梁溪

大全集卷十四

十五

新桺休攀短短條離愁似雪未能銷春廻廢苑還芳
草人渡空江正落潮德曜宅前今獨去平津門下舊
相招重來莫在花開後擬聽狂歌醉幾朝

白蓮寺次韻杜進士喜余見過話舊之作

不辭鳴棹遠相尋欲向江齋伴旅吟下事未成年已
長幾時纔別夏將深萱甯倦蝶連池綠樹帶殘鶯滿
寺陰恐破老僧嫌滯礙舊遊休說更傷心

期徐七遊雲巖

憶與青山別幾時雲僧應恨鶴歸遲少知學道貧非
病聞愛談禪偈是詩女澆曉江煙森森人行暮苑麥

離離明朝風雨還同往恐負高僧石上期

賦得寒山寺送別

楓橋西望碧山微寺對寒江獨掩扉
船裏鐘催行客起塔中燈照遠僧歸
漁村寂寂孤煙近官路蕭蕭衆葉稀
須記姑蘇城外泊烏啼時箭送君違

聞朱將軍戰歿

江浦戈船赤幟稀孤軍落日陷重圍
鏡中蛇虺占應驗牙上梟鳴事已非
殘卒自隨新將去老親空見舊奴歸
聞雞此夜誰同舞西望秋雲淚灑衣

送何明府之秦郵

何淮東人已三爲縣令

大全集卷十四

十七

馬前風葉助離聲楚驛都荒不計程
一令尚淹三縣事幾家曾見十年兵
夕陽遠樹煙生戍秋雨殘荷水繞城
父老不須重歎息君來應有故鄉情

過野寺次韻徐廉使琰舊題

使節城東按部廻曾將從吏到香臺
秋林數騎蕭蕭去晚澤孤鴻噉噉來
蘿雨溼衣溪路轉柏風吹燭殿門開
當年物色雖留與題辭慚無子美才

送蔡陽公行邊

風卷雙旌雪覆鶻遠騎白馬出行邊
兵馳空壁三千幟客宴高堂十萬錢
屏裏舊圖魚腹陣燈前新著豹

韜篇功成他日論諸將只有荀郎最少年

登涵空閣

滾滾波濤漠漠天曲欄高棟此山顛置身直在浮雲上縱目長過去鳥前數杵秋聲荒苑樹一帆暝色太湖船老僧不識興亡恨只向遊人說往年

婁江高舍喜王七隅見過却送還郭

送君只過孝廉橋不似君來訪我遙路未同歸鴻杳杳門方孤掩竹蕭蕭遠愁忽與鐘聲至殘醉微兼燭燼銷莫道扁舟難重過寒江日日有迴潮

送葉卿還隴西公幘兼簡周軍咨

大全集卷十四

十七

落日關城動鼓笳遠遊憐汝尚無涯壯身謾託三公府歸夢難尋萬里家投驛暮山燈照葉待潮秋渡棹粘沙軍中記室如相問只說愁吟對菊花

范文正公祠

開閣陳書對御筵共言天子得時賢才陪上相趨廷內遠撫豪羌出塞邊松柏自依先隴廟稻禾猶滿義庄田古來直道難終合何必深歎慶曆年

丁令威宅

令威作仙上天去舊宅畱在青山阿千年宅廢但遺井何處更聞華表歌南陌黃塵足去客東流碧海絕

迴波鶴歸重覽應惆悵地上丘墳今又多

辭戶部後東還始出都門有作

詔貳民曹出禁林陳辭因得解朝簪臣材自信元難
稱聖澤誰言尚未深遠水江花秋艇去長河宮樹曉
鐘沉還鄉何事行猶緩爲有區區戀闕心

寄余左司

何處吹愁角一聲大江東岸呂蒙營天隨流水茫茫
去月共長庚耿耿明虜意有圖秋暫息客魂無定夜
還驚欲陪醺酒樓船座借問風潮早晚平

聞家兄謫壽州

大全集卷十四

十六

別來未省去何投書到方知謫壽州覽俗自堪傷遠
客聽音誰解釋羈憂長淮波浪應愁渡故國江山只
夢遊未有萬回飛往銜魂銷空望楚雲秋

吳城感舊

城苑秋風蔓草深豪華都向此銷沉趙陀空有稱尊
計劉表初無弭亂心半夜危樓俄縱火十年高馬漫
藏經廢興十夢誰能問回首青山落日陰

喜幼文北歸

風塵萬里損光輝舊面相逢却訝非在路定畱經處
詠還家猶著去時衣久畱遠土蟲蛇雜忽解高羅鴈

鵲飛尚念梁園三。客與君同去不同歸。

送宋君南康葬親

長揮客淚楚雲東，故國江山一戰中。
遺柩十年嗟未掩，歸舟千里喜纔通。
遠途敢避風濤惡，舊隴應知草樹空。
料得南岡廬宿處，夜深猿鳥泣西風。

送王孝廉遊京回錢塘

客遊南北再逢春，幾驛煙花一騎塵。
觀國舊逢朝闕使，還家今作渡江人。
雪迎酒氣消應早，柳逐歌聲發更新。
此日腰間垂赤組，不須猶愧故鄉親。

感懷次蔡參軍韻

大全集卷十四

一九

擊筑無人識，漸離客。依孤館，獨淒其。著書未解成，新語把酒聊因覓。舊知燕塞風多寒，水急梁園雪早凍。雲癡年來只念江東去，下馬碑陰看色絲。

寄錢塘方員外

尋常此別事，難同不意音。書得再通君，病尚畱多難。後我吟方向亂愁，中殘煙廢郭山猶在落。日空城歲欲窮，借問西湖舊梅樹，如今還剩幾多叢。

秋日江館詠懷

十年世事漸多更，自歎而今豈復生。未有佳兒書漫讀，既無俗客酒頻傾。煙生遠塢聞雞唱，潮落平沙見

蟹行秋後思歸凡幾度夕陽江上望高城

得亡友周記室在繫所詩次韻

擬出罝羅再卜鄰死生俄判兩吟身百年豈料逢今日四海何由見此人吳地有園花已盡楚山無塚草空新一篇幽憤時時讀風雨寒燈夜獨親

得呂山人見寄

一罷僧房看竹期行吟何處復相隨煙波遠渚難尋路風雨幽窗忽送詩故舊誰非嗟別者鄉園同是憶歸時莫愁孤館春寒落且向江干避亂離

送殷孝章赴咸陽教諭

大全集卷十四

二

獨抱遺經出董幃秋風送騎入關遲用儒幸際于羊會造士欣爲一縣師鴻鴈雲低秦壘角牛羊草沒漢陵碑宦遊兼得觀形勝莫向尊前歎別離

送僧希載赴天界

水郭春寒壓柳絲扁舟遙送道林支日邊金界曾遊地雪後滄江欲渡時座近香爐朝聽法窗傳鉢韻夜談詩龍河舊日棲禪侶想拂雲牀正待師

寄永寧丁期府兼簡先生永寧屬洛陽丁近

布平盜浚渠之功達君前進士寓其邑

政成百里自材優莫厭青袍映白頭盜散山棚城少

開渠通田澮水多流陸渾莊上雞鳴午纒嶺祠前鶴
去秋沽酒更須煩縣令洛中時伴玉川遊

江山晚眺圖

一髮青山斷鴈邊渚宮樓閣暮雲連煙波彷彿江南
意風柳依稀峽外天釣艇歸時風動葦僧鐘起處日
沉煙觀圖忽起滄洲想身墮黃塵又幾年

江上春日遣懷

江上逢春已兩回客中時序苦相催蛛營戶網蟲初
出雀借簷巢燕未來年少即閒真信拙詩成雖好可
言才如今欲向南鄰叟旋乞垂楊繞舍栽

大全集卷一四

二

別江上故居

家具初移借釣船臨行魚鳥亦悽然城南徙舍惟三
里渚北閒居已二年花墅回看春水外草堂畱掩夕
陽邊多慚父老相畱意來去聊隨大化遷

永樂禪寺

鬢隨鶴羽總袂零幾日江行思渺冥夜卧客舟聞咏
史朝過僧榻共談經沙洲雨足萼初紫林塢霜遲橘
尚青後欲尋公曾到處畱詩應共竹間亭



